



বাংলাদেশ ফুটবল ফেডারেশনের সম্মানিত সভাপতি'র মাসিক (জুন) বিবৃতি

বাংলাদেশ ফুটবল ফেডারেশনের পক্ষ হতে সবাইকে জানাই আন্তরিক শুভেচ্ছা। এ মুহূর্তে গোটা বিশ্ব ফুটবল উন্নাদনার মধ্য দিয়ে অতিবাহিত হচ্ছে। একদিকে ইউরোপের শ্রেষ্ঠত্বের লড়াই উয়েফা ইউরো ২০২০ অন্যদিকে ল্যাটিন আমেরিকার শ্রেষ্ঠত্বের লড়াই কোপা আমেরিকা ২০২০। সারা বিশ্বের মতো বাংলাদেশেও বৈশ্বিক মহামারী করোনার মধ্যে নানা রকম চাপ সামলে ফুটবল লড়াইয়ের যাত্রা আবারও শুরু হলো।

বাংলাদেশ জাতীয় ফুটবল দল :

'ফিফা ওয়ার্ল্ড কাপ কাতার ২০২২' ও 'এএফসি এশিয়ান কাপ চায়না ২০২৩ (প্রিলিমিনারী জয়েন্ট রাউন্ড -২)' এর খেলায় বাংলাদেশ জাতীয় ফুটবল দল ৩৫ তম স্থানে উন্নীর্ণ হওয়ায় সরাসরি 'এএফসি এশিয়ান কাপ চায়না ২০২৩' এর বাছাইপর্ব খেলতে পারবে। এশিয়ান ফুটবল কনফেডারেশন (এএফসি) কর্তৃক অবহিত করা হয়েছে যে, 'ফিফা ওয়ার্ল্ড কাপ কাতার ২০২২' ও 'এএফসি এশিয়ান কাপ চায়না ২০২৩ (প্রিলিমিনারী জয়েন্ট রাউন্ড -২)' এর খেলায় শীর্ষ ১৩ দল সরাসরি 'ফিফা ওয়ার্ল্ড কাপ কাতার ২০২২' এর বাছাইপর্ব ও 'এএফসি এশিয়ান কাপ চায়না ২০২৩' এর মূল পর্বে খেলবে। বাংলাদেশ জাতীয় ফুটবল দল ১৪ থেকে ৩৫ নম্বর দলসমূহের মধ্যে অবস্থান করায় 'এএফসি এশিয়ান কাপ চায়না ২০২৩' এর বাছাইপর্বে সরাসরি অংশগ্রহণ করবে। ইহা নিঃসন্দেহে আমাদের জন্য গৌরব ও আনন্দের ব্যাপার।

বাংলাদেশ জাতীয় ফুটবল দল এর খেলোয়াড়দের সঙ্গে বৈঠকঃ

দেশের ফুটবলের ধারাবাহিক উন্নয়ন পরিকল্পনার অংশ হিসেবে বাংলাদেশ জাতীয় ফুটবল দল এর খেলোয়াড়গণের সঙ্গে আমি ব্যক্তিগতপর্যায়ে বৈঠকে অংশগ্রহণ করি। এই বৈঠকের মূল উদ্দেশ্য ছিল বাংলাদেশ জাতীয় ফুটবল দল এর খেলোয়াড়গণের সঙ্গে বাফুফের বোঝাপড়া ও অনুপ্রেরণার ক্ষেত্রে আমরা কী ধরনের সহযোগিতা প্রদান করতে পারি সে ব্যাপারে তারা মতামত প্রদান করে। বাংলাদেশ জাতীয় ফুটবল দল এর সাবেক খেলোয়াড় হিসেবে আমি অনুধাবন করি বাংলাদেশ জাতীয় ফুটবল দল এর স্বার্থে দলের ভেতর অনুকূল পরিবেশ সৃষ্টিতে খেলোয়াড়গণের জন্য বেতন কাঠামো তৈরী করা অত্যাবশ্যিক। এতে খেলোয়াড়গণের জাতীয় দলের হয়ে খেলার প্রতি একাত্মতা ও আগ্রহ অধিক বৃদ্ধি পাবে। আমি ভবিষ্যতেও বাংলাদেশ জাতীয় ফুটবল দল এর সঙ্গে এ ব্যাপারে আলোচনা অব্যাহত রাখবো।

কার্যনির্বাহী কমিটির ত্রৃতীয় বৈঠকঃ

বাংলাদেশ ফুটবল ফেডারেশন এর বর্তমান কার্যনির্বাহী কমিটির ত্রৃতীয় বৈঠক মতিবিলঙ্ঘ বাফুফে ভবনে অনুষ্ঠিত হয়। সভায় সিদ্ধান্ত গৃহীত হয়, 'ফিফা ওয়ার্ল্ড কাপ কাতার ২০২২' ও 'এএফসি এশিয়ান কাপ চায়না ২০২৩ (প্রিলিমিনারী জয়েন্ট রাউন্ড -২)' এর খেলা শেষে বাংলাদেশ জাতীয় ফুটবল দল এর খেলোয়াড় ও কর্মকর্তাদের কোয়ারেন্টাইন শিথিল করে 'বাংলাদেশ প্রিমিয়ার লীগ ২০২০-২১' এর ২য় পর্ব ২৬ জুন ২০২১ তারিখ হতে পুনরায় শুরু করা হয়। এ জন্য বাংলাদেশ ফুটবল ফেডারেশন এ আমার সহকর্মী, ক্লাবসমূহের কর্মকর্তাবৃন্দসহ সংশ্লিষ্ট সকলকে আবারও আন্তরিক অভিনন্দন জ্ঞাপন করছি।

বাংলাদেশের ফুটবল প্রতিযোগিতাঃ

করোনা ভাইরাসের প্রতিকূলতার মাঝেও বঙ্গবন্ধু জাতীয় স্টেডিয়াম এবং কমলাপুর বীরশ্বেষ্ঠ সিপাহী মোহাম্মদ মোস্তফা কামাল স্টেডিয়ামে দর্শকবিহীনভাবে 'বাংলাদেশ প্রিমিয়ার লীগ ২০২০-২১', 'বাংলাদেশ চ্যাম্পিয়নশীপ লীগ ২০২০-২১', 'মহিলা ফুটবল লীগ ২০২০-২১' ও 'ত্রৃতীয় বিভাগ ফুটবল লীগ ২০১৯-২০' এর ২য় পর্ব শুরু করতে সক্ষম হয়েছি।

ফিফা ফরোয়ার্ড প্রোগ্রাম-রেফারীঃ

ফুটবলে Refereeing Administration & FIFA Forward Program এর মাধ্যমে খেলার মান উন্নয়নের লক্ষ্যে ফিফা'র উদ্যোগে এশিয়ান ফুটবল কনফেডারেশন এর East, Asean, South & Central জোনসমূহকে নিয়ে



অনলাইন ভার্চুয়াল প্ল্যাটফরমে সেমিনার অনুষ্ঠিত হয়। উক্ত সেমিনারে বাফুফেসহ এশিয়ান ফুটবল কনফেডারেশন এর East, Asean, South & Central জোনসমূহ এর প্রতিনিধিরা অংশগ্রহণ করেন।

লঁজ অব দ্য গেম সেমিনারঃ

বাংলাদেশ ফুটবল ফেডারেশন এর কমিটি ফর ওয়েস ফুটবল এর সিদ্ধান্ত অনুযায়ী গত ২০ জুন ২০২১ তারিখ হতে মহিলা ফুটবল লীগ ২০২০-২১ এর ২য় পর্ব আরম্ভ হয়। এ উপলক্ষ্যে মতিবিলস্থ বাফুফে ভবনে বাংলাদেশ ফুটবল ফেডারেশন রেফারীজ ডিপার্টমেন্ট এর তত্ত্বাবধানে ‘লঁজ অব দ্য গেম ২০২০-২১’ এর সর্বশেষ সংশোধনী ও গুরুত্বপূর্ণ বিধিবিধানসমূহ সম্পর্কে লীগে অংশগ্রহণকারী ক্লাবসমূহ ও উহাদের দলীয় কোচিং স্টাফ ও খেলোয়াড়গণকে অবহিত করে।

বিএফএফ এএফসি প্রফেশনাল ডিপ্লোমা কোর্স-ভার্চুয়াল লার্নিং ইনডাকশনঃ

বাংলাদেশ ফুটবল ফেডারেশন এর উদ্যোগে বাফুফে এএফসি প্রফেশনাল ডিপ্লোমা কোর্স এর আওতায় ‘Virtual Zoom Inducting Learning’ বিষয়ক দু’টি বৈঠক অনলাইন ভার্চুয়াল প্ল্যাটফরমে অনুষ্ঠিত হয়। উক্ত কোর্সে বাংলাদেশসহ এশিয়া, আফ্রিকা ও ইউরোপের ৩৩জন প্রশিক্ষক অংশগ্রহণ করেন। বাংলাদেশের ঘরোয়া পেশাদার লীগ ও বাংলাদেশ জাতীয় ফুটবল দল এর উল্লয়নে সকল প্রশিক্ষকবৃন্দকে উল্লত প্রশিক্ষণে সহায়তা প্রদান করতে বাফুফে এই কোর্সের আয়োজন করে।

এএফসি গ্রাসরক্টস ফুটবল ডে ২০২১ পালন (বাফুফে আর্টিফিশিয়াল টার্ফ, ফেনী, মাদারীপুর, নীলফামারী)ঃ

এশিয়ান ফুটবল কনফেডারেন (এএফসি) এর সহযোগিতায় বাংলাদেশ ফুটবল ফেডারেশন (বাফুফে) এর ব্যবস্থাপনায় মতিবিলস্থ বাফুফে ভবন সংলগ্ন আর্টিফিশিয়াল টার্ফ মাঠসহ বাফুফে’র আরও তিনটি গ্রাসরক্টস্ জোন অর্থাৎ শেখ কামাল স্টেডিয়াম নীলফামারী, মাদারীপুর জেলা স্টেডিয়াম-মাদারীপুর ও ভাষা শহীদ সালাম স্টেডিয়াম-ফেনীতে গণপ্রজাতন্ত্রী বাংলাদেশ সরকার ও বাফুফে কর্তৃক প্রণীত কভিড-১৯ সম্পর্কিত নীতিমালা ও যথাযথ স্বাস্থ্যবিধি মেনে চলে দর্শকশূন্যভাবে ‘এএফসি গ্রাসরক্টস ফুটবল ডে ২০২১’ আয়োজন করা হয়। উক্ত অনুষ্ঠানে প্রতিটি জোন/জেলায় অ-৮ থেকে অ-১৫ বছর বয়সী ২০০ (দুইশত) জন করে সর্বমোট প্রায় ৮০০ জন কিশোর ফুটবল খেলোয়াড় অংশগ্রহণ করে।

সাবিনার শততম গোলঃ

বাংলাদেশ মহিলা জাতীয় ফুটবল দল এর অধিনায়ক সাবিনা খাতুন তার ফুটবল ক্যারিয়ারে শততম গোলের মাইলফলক স্পর্শ করেন। এই মাইলফলক অর্জনে আমি বাংলাদেশ ফুটবল ফেডারেশন এর পক্ষ থেকে এবং আমি ব্যক্তিগতভাবেও তাকে উৎস অভিনন্দন জ্ঞাপন করছি।

বঙ্গবন্ধু জাতীয় স্টেডিয়াম এর সংস্কার কার্যক্রমঃ জাতীয় ক্রীড়া পরিষদে গণপ্রজাতন্ত্রী বাংলাদেশ সরকার এর মাননীয় যুব ও ক্রীড়া প্রতিমন্ত্রী জনাব জাহিদ আহসান রাসেল, এমপি এর সঙ্গে বঙ্গবন্ধু জাতীয় স্টেডিয়াম এর সংস্কার কার্যক্রম নিয়ে জরুরি বৈঠকে অংশগ্রহণ করি। ‘বাংলাদেশ প্রিমিয়ার লীগ ২০২০-২১’ এর খেলাসমূহ সমাপ্ত করে আগামী আগস্ট ২০২১ তারিখের পর বঙ্গবন্ধু জাতীয় স্টেডিয়াম এর সংস্কার কার্যক্রম সম্পন্ন করার জন্য জাতীয় ক্রীড়া পরিষদ এর নিকট মাঠ বৃক্ষিয়ে দেওয়া হবে।

বাফুফে একাডেমী এ্যাক্রিডিটেশন স্কীম রেটেড একাডেমী পরিদর্শনঃ বাংলাদেশ ফুটবল ফেডারেশন কর্তৃক এলিট ইয়ুথ ২০২১ এর ক্যালেন্ডার অনুযায়ী একাডেমী এ্যাক্রিডিটেশন স্কীম এর আওতায় বাফুফে কর্তৃক আঞ্চলিক প্রশিক্ষক দ্বারা ৭৮টি স্টার রেটেড একাডেমী মনিটরিং করার জন্য স্ব শরীরে পরিদর্শন করার কথা থাকলেও গণপ্রজাতন্ত্রী বাংলাদেশ সরকার ও বাফুফে কর্তৃক প্রণীত কভিড-১৯ সংক্রান্ত পরিস্থিতির কারণে অনলাইন প্ল্যাটফরম জুম এর মাধ্যমে উক্ত পরিদর্শন কার্যক্রম পরিচালিত হয়।